

أغرابِ المنّيه يخاطبِ فاطمه وأجناحه اتخضبِ ابفيضِ الدمه  
تخصّ الغريبِ ومصّره عني رسايل موجهه

\*\*\*\*\*

وگفت على باب العُلا مرعوبه وبدمعة وجَل  
منتظره طارش أو خبر يلفيها عن حال الأهل  
شمعه وذوى بيها الضوى وغصنِ الورد لكنّ ذبَل  
ولنها تشاهد طائر أجناحه من الدّم اغتسلْ

من شافته صاحتْ شِعندكْ خبر ليّ  
ومنّ الألم ناحتْ لا تخفيّ أعليّ

بصوتِ النّعي گام يناديها ويون أهلج گضت بالثري بليّا دفين  
ومنه تجارى مدمعه عني رسايل موجهه

\*\*\*\*\*

أول رساله امنِ العطش أهلج ضمايه تذبّحتْ  
عنها بخل نهر الظمى ومنها الشفاهِ تجرّحت  
وصوره الساگي بمشهدِ الأطفال يا وسفه انمحت  
لنّه على جرف النّهر جثه بدماهها توشّحت

مبرييه ذرعانه وعيونه مجروحه  
وبس درعه والزانه يم جسمه مطروحه

نهر الفرات أبدا جفه ارتوى ومن النجيع اختضب حتى اللوا  
عن قصته وعن مصرعه عني رسايل موجهه

ثاني رساله امن الخيم و بجناحي من عذها أثر  
محروكه لكن بالصدر نار الألم أعظم وأمر  
نار بقبسهم شاعله والحيره نار امن المفز  
ويا مكسى إحساس اليتم في ليلة الحادي عشر

متجمعه بخيمه نسوه بلا كافل  
وچم طفله وأيتيمه تتخى أبو فاضل

واللي يرد ليها بس همس الصدى جثة كفيج طريحه اموسده

وعن جثته المتوزعه عندي رسايل موجعه

\*\*\*\*\*

ثالث رساله امن الثرى چم جثه يا وسفه احتوى  
ومن دم ابوچ وصحبته سافيه يا حسره ارتوى  
ظلت جثتهم بلعرا بشيبتهم يطوف الهوا  
متلونه بشمس الظهيره كل عضو بيها اکتوى

ظلت ثلت ايام ماحد يواريهها  
بس نظرة الأيتام ظلت تباريهها

خطب وأبد مثله ما صار وجرى آل النبوه تظل فوگ الثرى

بخيول عشره مبضعه عندي رسايل موجعه

رابع رساله وما أظنّ كلبج الحاني يحتمل  
عذريني لكن أدري عكج عن مصيره منشغل  
عبدالله - يا الله- وما أعظم خبر هذا الطفل  
وشلون افصل مصرعه يفاطمه وروح تظل

من حرمله صابه      أه لو تشوفينه  
بس كطع اثوابه      والموته في عينه

غام وشبك رغبة أحسين بآلم      مرعوبه نظراته من حد السهم  
بحال أمه المتروعه      عندي رسائل موجهه

\*\*\*\*\*

آخر رساله وأتمس منج عذر يلـ ماجده  
عن عمتج زينب بگت بالتل وحيده وفاگده  
عين وتصد للعلگمي وعين الخيمها البايده  
(ودّي أوصّل مصرعك) أي والله ودي ورايده

يا خويه في بالي      من دمك اتخضّب  
بس لازمه اذيلي      ايتامك وتخبّب

سامحني لو عل هزل صار الوداع      زواتي مصرعك وأقسى متاع  
أمر اليسر ما أفجعه      عندي رسائل موجهه